

ISPRAVKA U ZIPS-U BROJ 1488/1489

U dvobroju ZIPS-a 1488/1489 za juli/avgust 2025. na strani 105 u poglavlju postavljenih pitanja i datih odgovora pod "Izuzeci od smanjenja zbirne stope doprinosa (na) plaću od 01.07.2025. godine" navedeno je postavljeno pitanje:

Da li smanjenje doprinosa od julske plaće važi i za vlasnike obrta odnosno poduzetnike?

S tim u vezi, dat je sljedeći odgovor:

Počev od julske plaće 2025. godine, doprinosi na plaću smanjuju se za 5,5 odsto, tako da više neće iznositi 10,50%, već 5 odsto. To se odnosi na plaće zaposlenika prijavljenih za rad u odnosnom obrtu, ali ne i za vlasnike obrta za koje su Osnovice za obračun doprinosa određenih zanimanja za 2025. godinu objavljene u "Službenim novinama Federacije BiH", broj 1/25 od 10. januara 2025. godine.

U pogledu navedenog, imamo potrebu da dodatno pojasnimo i proširimo ovaj odgovor, s obzirom na reakcije određenih korisnika naših usluga da, prilikom unosa podataka za obveznike samostalnih djelatnosti u Specifikaciji 2002 (tj. Specifikaciji uz uplatu doprinosa poduzetnika sa prebivalištem u Federaciji BiH) kroz NIP Porezne uprave Federacije BiH, program sam računa umanjene doprinose za vlasnika.

Prije svega, želimo istaći dvije činjenice:

1. Odgovor o kojem je riječ sačinjen je 24.06.2025. godine, a "Službene novine Federacije BiH" broj 48/25, u kojima se nalazi Pravilnik o izmjenama i dopunama Pravilnika o načinu obračunavanja i uplate doprinosa, objavljene su 27.06.2025. godine;

2. Pitanje se odnosilo na PLAĆE vlasnika obrta, odnosno poduzetnika.

S tim u vezi, ističe se da samostalni poduzetnici sa prebivalištem u Federaciji BiH obavljaju registrovanu djelatnost u cilju ostvarivanja dobiti i ne ostvaruju plaću kao osnov za obračun doprinosa, nego su im Zakonom o doprinosima i Osnovicama za obračun doprinosa određenih zanimanja za 2025. godinu propisani cenzusi za obračun doprinosa.

Također, u trećem dijelu Specifikacije 2002 postoje podaci o doprinosima, koji nisu u korelaciji s plaćom poduzetnika...

Međutim, s obzirom na član 40b. Pravilnika o načinu obračunavanja i uplate doprinosa, koji glasi:

"Obračun doprinosa sa zbirnom stopom doprinosa od 36%, u skladu sa Zakonom o izmjenama i dopunama Zakona o doprinosima ("Službene novine Federacije BiH", broj 33/25), primjenjuje se na plaće koje se odnose na porezne periode od 1. jula 2025. godine (za mjesec juli 2025. godine i dalje)", ovlašteni programeri su kod automatske popune Specifikacije 2022. omogućili primjenu zbirne stope doprinosa za samostalne poduzetnike na području Federacije BiH od 36% na propisane osnovice, (umjesto zbirne stope doprinosa od 41,5%), te su na taj način izjednačili stope doprinosa obveznika samostalnih djelatnosti sa radnicima/zaposlenicima koji ostvaruju plaću kao polaznu osnovu za obračun doprinosa počev od jula tekuće godine...

Dakle, i za obveznike samostalne djelatnosti obračun doprinosa na propisane osnovice vrši se po zbirnoj stopi od 36%, umjesto dosadašnje 41,5%, počev od jula 2025. godine, uplaćuje se do 10. dana u mjesecu za

protekli mjesec i na taj način iskazuje u Obrascu 2002, tj. Specifikaciji uz obračun doprinosa poduzetnika koja se dostavlja Poreznoj upravi Federacije BiH.

Zahvaljujemo Vam se na razumijevanju i saradnji

Lijepi pozdravi

Redakcija ZIPS-a